

Kuv yuav nrhiav tau los sis xyam tau cov nqe lus
nug ua piv txwv hauv daim ntawv xeem qhov twg?
Cov ntawv xeem uas xyam qhia rau cov niam txiv
thiab cov tub ntxhais kawm ntawv txog cov piv txwv
ntawm seb soj ntsuam cov tub ntxhais kawm ntawv
li cas hauv ELA thiab kev ua zauv hauv Smarter
Balanced Assessments. Cov ntawv xeem uas xyam
muaj hauv ELA thiab kev ua zauv rau Qib 3-8.

Muaj cov ntawv xeem uas xyam nyob rau ntawm
<http://oea.dpi.wi.gov/assessment/Smarter/>
sampleite ms

The Badger Exam 3-8:

A Wisconsin Smarter Balanced Assessment

Lus Qhia rau
Cov Tsev Neeg
2014-15



Tony Evers
Xeev Tus Thawj Tswj Cheeb
Tsam Tsev Kawm Ntawv
Wisconsin Tuam Tsev Saib Xyuas
Tsoom Fvw Kev Qhia Ntawv Dawb
PO Box 7841
Madison, WI 53707-7841

Wisconsin Tuam Tsev Saib Xyuas Tsoom Fvw Kev
Qhia Ntawv Dawb tsis cais tshwj leej twg li raws
seb yog poj niam los sis txiv neej, haiv neeg, tawv
nqaij, kev ntseeg ntuj, kev teev hawm, hnub
nyoog, yug lub teb chaws twg, caj ces, xeeb tub,
muaj txij nkawm los sis tsis muaj los sis muaj ob
leeg ua niam ua txiv los sis ib leeg ua niam ua txiv,
poj niam nyiam poj niam los sis txiv neej nyiam
txiv neej, los sis muaj kev tsis taus.

Muab cai zwm tseg (C) 2014 los ntawm
Wisconsin Tuam Tsev Saib Xyuas
Tsoom Fvw Kev Qhia Ntawv Dawb



Yog xav paub ntxiv nug tau Lub Chav Fai ntawm
Kev Ntsuam Xyuas Tub Ntxhais Kawm Ntawv
osamail@dpi.wi.gov



Smarter Balanced Assessment Consortium yog dab tsi?

Smarter Balanced Assessment Consortium yog ib pawg ntawm cov xeev uas ua hauj lwm ua ke los tsim cov ntawv xeem rau txheej tom ntej no uas ntsuas tus tub ntxhais kawm ntawv txoj kev npaj tau mus kawm ntawv qib siab thiab kev npaj tau mus ua hauj lwm yam raug thiab tsis yuam kev. Pawg no muaj cov kws qhia ntawv, cov kws tshawb fawb, cov kws sau cai, thiab cov tswv cuab hauv zej zos.

Badger Exam 3-8 yog dab tsi?

Cov tub ntxhais kawm ntawv yuav xeem tus *Badger Exam 3-8: Wisconsin Smarter Balanced Summative Assessment* hauv qib kawm 3-8 hauv yim lub as thiw kawg hauv xyoo kawm ntawv. Txoj kev xeem tshiab no yuav siv los ntsuas seb cov tub ntxhais kawm ntawv ua tau zoo npaum li cas hauv kev txawj Wisconsin College and Career Ready Standards hauv kev kawm lus As Nkiv (ELA) thiab kev ua zauv.

Cov tub ntxhais kawm ntawv yuav xeem tus Badger Exam 3-8 nyob hauv. Tus Badger Exam 3-8 muaj xws li:

- **cov nqe lus nug uas muaj ntawv nqe lus teb:** tus tub ntxhais kawm ntawv xaiv cov nqe lus teb uas yog los ntawm cov lus teb uas yuav xaiv tau los,
- **cov nqe lus nug uas teb luv luv:** tus tub ntxhais kawm ntawv piav hauv lawv nqe lus teb rau nqe lus nug, thiab
- **ua cov dej num:** cov tub ntxhais kawm ntawv yuav tsum tau koom hauv cov dej num ua los ntawm ib pawg hauv chav kawm rau ELA thiab kev ua zauv. Ces lawv yuav tsum tau teb ib co nqe lus nug luv luv hauv lub computer rau txhua fab kev kawm. Hauv kev ua ELA txoj dej num, cov tub ntxhais kawm ntawv ua cov kev sau ntawv thiab teb peb nqe lus nug luv luv.

Cov kev pab thiab cov kev txhawb nqa rau cov tub ntxhais kawm ntawv uas muaj kev tsis taus thiab/los sis cov kawm lus As Nkiv mas muaj txuas rau hauv lub system kom qhov uas cov tub ntxhais kawm ntawv paub zuz ntawd thiab li ntsuas tau meej.

Qhov no txhais tau li cas rau kuv tus me nyuam?

Badger Exam 3-8 yog ib qho kev ntsuas qhov tseem ntsiab uas ntsuas koj tus me nyuam txoj kev kawm tau ntawv coj los mus piv rau lwm cov tub ntxhais kawm ntawv hauv lub xeev thiab rau lwm cov tub ntxhais kawm ntawv hauv cov xeev uas siv tus xeem Smarter Balanced Assessments uas muaj ntsis zoo ib yam.

Nrog rau cov kev ntsuas hauv zos xws li cov ntawv qhia seb kawm tau ntawv li cas, cov kev xeem thoob plaws hauv lub tsev kawm ntawv, thiab lwm cov ntaub ntawv uas qhia txog koj tus me nyuam txoj kev kawm ntawv hauv tsev kawm ntawv, qhov uas xeem tau ntawm tus Badger Exam 3-8 yuav qhia tau seb koj tus me nyuam kawm ntawv tau zoo li cas thaum ntsuas txog kev kawm ntawv dav dav.

Cov sij hawm xeem yog thaum twg?

Lub sij hawm yuav siv los xeem mas kwv yees tias yuav nyob li ntawm 4 teev rau cov kev xeem ELA hauv txhua qib kawm, thiab nyob li ntawm 3 ½-4 teev rau qhov xeem kev ua zauv. Cov xeem tus Smarter mas tsis ntsuas sij hawm xeem.

Yuav siv qhov xeem tau ntawd li cas?

Cov lus qhia txog tus tub ntxhais kawm ntawv txoj kev xeem tau uas raws sij hawm thiab muaj nqis yuav cia:

- **cov kws qhia ntawv** los qhia ntawv kom raws tus tub ntxhais kawm ntawv txoj kev tim tsum,
- **cov tub ntxhais kawm ntawv** kom lawv thiab li paub tias lawv yuav tsum tau rau siab ntso li cas,
- **cov neeg khiav dej num** kom los nkag siab zoo zog txog seb cov tub ntxhais kawm ntawv paub dab tsi thiab ua tau dab tsi kom los cob tau txoj kev qhia ntawv thiab cov kev txiav txim raws kev txawj ntse, thiab
- **cov niam txiv** kom los nkag siab txog seb lawv tus me nyuam paub ua dab tsi hauv ELA thiab kev ua zauv.

Qhov xeem tau hauv Smarter Balanced Assessment puas yuav ua kom muaj ib txoj kev qhia ntawv rau sawv daws rau tag nrho Wisconsin nom tswv cov tsev kawm ntawv?

Tsis yog. Cov kev txiav txim txog txoj kev qhia ntawv mas yuav zoo dua yog txiav txim los ntawm cov kws qhia ntawv hauv txhua cheeb tsam tsev kawm ntawv. Tus Smarter Balanced Assessment yuav ntsuas seb tus tub ntxhais kawm ntawv kawm tau raws li cov quav kawm ntawv zoo npaum li cas, thaum uas tib lub sij hawm ntawd cia muaj kev txiav txim hauv zos txog seb yuav qhia ntawv li cas.

Yuav xeem tus Badger Exam thaum twg?

Yuav xeem tus Badger Exam 3-8 nyob hauv online hauv cov tsev kawm ntawv thaum Lub Peb Hlis Ntuj Tim 30 - Lub Tsib Hlis Ntuj Tim 22, 2015.

Yuav muab hom paj xyeem (score) twg?

Tus xeem Summative Assessment qhia txog seb cov tub ntxhais kawm ntawv paub thiab ua tau dab tsi hais txog Cov Qauv. Cov tub ntxhais kawm ntawv tau ib qho paj xyeem (score) raws seb lawv ua tau zoo li cas. Txhua qhov paj xyeem yuav poob rau hauv ib theem ntawm plaub theem no:

- Paub – Tus tub ntxhais kawm ntawv ua qhia tau tias nkag siab **txaus** thiab muaj peeve xwm siv tau txoj kev paub thiab cov txuj ci uas txuam nrog rau kev npaj tau mus kawm qib siab.
- Txawj – Tus tub ntxhais kawm ntawv ua qhia tau tias nkag siab **tau zoo heev** thiab muaj peeve xwm siv tau txoj kev paub thiab cov txuj ci uas txuam nrog rau kev npaj tau mus kawm qib siab.
- Yooj Yim – Tus tub ntxhais kawm ntawv ua qhia tau tias nkag siab **ib feem** thiab muaj peeve xwm siv tau txoj kev paub thiab cov txuj ci uas txuam nrog rau kev npaj tau mus kawm qib siab.
- Qis Dua Yooj Yim – Tus tub ntxhais kawm ntawv ua qhia tau tias nkag siab **tsawg** thiab muaj peeve xwm siv tau txoj kev paub thiab cov txuj ci uas txuam nrog rau kev npaj tau mus kawm qib siab.